

Skjemaet «Sett elg» gir oss viktige opplysningar om utviklinga i elgbestanden. Dette er verdifull hjelp for å få ei god elgforvaltning. Du og observasjonane til jaktlaget ditt er viktige i dette arbeidet. Ver derfor nøye med å fylle ut «Sett elg»-skjemaet **kvar dag**, også dei dagane jaktlaget jaktar utan å sjå elg.

Viktige punkt ved utfylling:

- I kolonnen «Kor mange timar jakta laget?» fører ein kor mange timar jaktlaget faktisk brukte til observasjon. Dersom 4 jegerar har jakta i 6 timar, skal det førstast 6 timar i rubrikken «Kor mange timar jakta laget?» og 4 i rubrikken «Kor mange jegerar?».
- I kolonnane "«Ku med 1 kalv» og "Ku med 2 kalvar" fører ein berre talet på kyr.
- I kolonnen «Alle kalvar» fører ein både kalvar som er sette saman med kyr, og einslege kalvar.
- Alle direkte observasjonar av elg skal førstast, uavhengig av om elgen er sett tidlegare same dag av den same jегaren eller av dei andre jегarane i jaktlaget.
- Berre direkte observasjonar av sette dyr skal takast med, og berre observasjonar ein gjer på ordinære jakt dagar.

- Valdansvarleg må passe på at jaktlaget fyller ut skjema kvar dag.

Sette hjort

Registrering av sett hjort gir forvaltninga ei betre oversikt over utbreiinga av hjort og kor stor bestanden er i område der arten er nyleg etablert eller førekjem spreidd. Eige «Sett hjort»-skjema bør nyttast i område der òg hjort blir jakta på under elgjakta.

* Her fører ein kor mange hjort som i alt vart sette under elgjakta. Ein tek berre med direkte synsobservasjonar.


Sette rovdyr

Bestandane av dei store rovdyra har i det siste auka i ein del område. I forvaltninga av både hjortevilt og rovdyr vil det vere viktig å få auka kunnskap om bestandane av gaupe, jerv, bjørn og ulv.

** Her fører ein kor mange rovdyr som i alt vart sette under elgjakta. Ein tek berre med direkte synsobservasjonar.


Aldersbestemming av skoten elg

Dette skjemaet kan ikkje brukast for andre hjortedyr.




Kalv, ca. ½ år

Elgen har første hausten som kalv berre 4 kinntenner i kvar kjevehalvdel (1, 2, 3, 4). Dei 3 første tennene er mjølketenner, og tann nr. 3 er på dette alderssteget tredelt (a, b, c).




1 1/2 år (seint utvikla)

Når elgen er 1 ½ år, har han om hausten oftast 6 kinntenner i kvar kjevehalvdel, men det førekjem særleg i september at tann nr. 6 enno ikkje er komen opp or tankkjøtet. Da vil heller ikkje dei varige tennene 1, 2 og 3 ha brote gjennom tankkjøtet, og dei gamle, slitne mjølketennene sit att på toppen av dei varige tennene. Dersom dette er tilfellet, er tann nr. 3 framleis tredelt.



1 ½ år (tidleg utvikla)

Under gode vilkår, og særleg i oktober, er det normalt at 1 ½-åringen har 6 synlege kinntenner, og at dei 3 fremste er nye og kvite. Tann nr. 3 vil da vere todelt (a, b).



2 ½ år og eldre

Når elgen er 2 ½ år og eldre, blir aldersbestemminga meir etter skjøn med denne metoden. Hos ein 2 ½-åring er dei 3 første kinntennene ubetydeleg slitne,* men det avheng noko av næringstilhøva. Alle dyr kan likevel aldersbestemast nøyaktig ved snitting av tannrota, og ein får fram årringar som på eit tre.